

重錄總校官侍郎臣陳以勤

學士臣王天任

分校官修撰臣諸大綬

書寫儒士臣郭宗義

閱點監生臣林洪松

臣董仲幹

永樂大典卷之二萬二千一百八十二八陌

麥

句容新志

國朝吳元年。麥兩岐者二。產縣境。知縣王成。奉以獻中書省。欽奉

聖旨。元年五月二十一日。有司奏。民人李文興。施仁。獻瑞麥兩幹四岐。以爲予之禎祥。故捧而來朝。予且悅且慮。何也。昔者以蕭韶九成。鳳凰來儀。此舜之功。德感於天。致鳳之來儀。故也。文王治岐山。間鳳有聲。亦文王功德之所感。此二君當治天下之時。民乃和平。故鳳依時而至。當春秋麒麟至。夫子惟之。蓋出非其時。當羣雄爭鬪之秋。民人塗炭。其禎祥之應。豈不致夫子之惑也。予身本布衣。起兵淮甸。東渡江左。十有三年。四征不庭。科歛繁重。治頑惡者。法律甚嚴。所任非賢。己身不德。日夜憂懼。不能自善。其禎祥瑞麥。豈在予感而至。莫非新任有司得人。或者農民自勤而格天地。故生瑞麥。以祥有司。及勸農者也。然此天地造化。人豈能知。今後令李文興。施仁等。慎心以奉天。勿怠欽此。趙權瑞麥詩序。

有吳建元之始年夏四月。麥兩岐見於句容之近郊。如是者二焉。郊之氓。走致之庭。言於邑大夫王侯曰。聞諸鄉之老成人。是麥之祥也。祥必有所繇。致。惟我侯來令吾邑。公而勤。廉而愛人。是其應也。夫公而勤。則於事上也。忠。廉而愛人。則於字下也。惠而無傷。公勤廉愛之所感召。叶氣橫流。天降祥福。宜哉。矧茲祥也。不于其他。必於帝命率育之貽者發之。豈非惠養之徵乎。我弗敢匿。敢告侯聞之。慨然曰。噫。有是哉。若知其未。知其二邪。今上以英武之資。拓迹開統。建萬世無疆之業。句容實惟漢豐沛南陽比。又介乎輦穀之下。上天眷顧。儲祥委祉。滂濔漫衍。昭晰傳有之。國家將興。必有禎祥。茲其為祥也。豈臣子所得私邪。不然。何獨於茲一邑見之。在宋開禧初。其祥若是。邑人刻石具在。今

有吳之建元也。其祥亦復有是焉。天貺特運。昭然昭合。豈偶然哉。以天之眷於爾邑。吾知

聖心之不忘爾民也。遂表其實以聞。矧惟休徵之應。德化之感。古若今一也。昔漢張堪守漁陽。麥兩岐實生其壤。民之頌之。紀於史氏。竟未聞歸美其君若侯者。今侯不惟謙抑弗有。歸德于上。且指歸化原。昭揭德本。明著章徽。若是。非尊君親上。公爾忘私。孰能然哉。推是心也。上可以獲乎君。下可以得

乎民。繼自今。聖書褒嘉。恩賴兼至。寵黃霸於潁川。侯卓茂於密縣。使吾民得以涵泳。

聖化。沐浴膏澤。其不兆於斯乎。邑士民既鋪榮盛美。播諸歌頌。權拙訥不能以聲成文也。為之序云。趙權瑞奏記。邑大夫王侯下車之明年夏四月。民有以麥一莖三穗獻者。二以爲侯德所感云。侯受之。謂其僚屬曰。吾何以堪之。惟吾

王耆定區宇。聲啓洪業。而句容密通。

王室。基本攸在。况今立號建國之始。而祉祥若斯。天其豈無意乎。隱而不彰。是蔽

乎。

王家之美。而貪天功也。其可哉。遂表其實。獻大府以

聞。既以播告中外。

綸言。擢謙推美。歸下。激厲勸勉。嚴畏有加。匪頒下建。恩禮優渥。於是吏慶民拊。上下歡洽。膏澤弗愆。歲用大稔。邑士民乃相與謀曰。昔在宋開禧初。麥有祥如是。文載於石。具在。今而不列金石。將何以昭揭盛美。垂示永久。遂用舊石。謁辭。而以命予。權竊惟和氣致祥。天地之常經也。今侯嘉寵斯麥。以昭有吳受命之符。下歸美其

上推功於下。君臣同德。以和召和。斯民蓋將益被其澤。豈不重可貴哉。是以記矣。侯名成。字國用。蘄春人。其為治也。果毅以立事。廉公而愛人。縣丞劉名復。仁。字克禮。揚州人。主簿任名允。字執中。桃源縣人。典史汪名宏。字守道。泗州人。同寅協恭。駸駸政績。固當大書特書。茲未暇詳者。特記瑞麥云。犂眉公劉伯溫集瑞麥頌。并序。天厭元德。九州糜沸。羣猾并作。黎民惶惶。奔走無路。

皇帝提三尺劍。奮起草萊。指顧之間。豪傑景附。矛鋒所向。戰克攻取。

皇帝心知天意之有在。爰舉有衆。以與萬姓請命。一征而取荆襄。再征而清浙江。三征而閩海率從。四征而席卷全齊。五征而定周及梁。遂取秦晉。舉燕趙。南交北貊。東夷西羌。海外之邦。莫不望風遣使。奉朔稱臣。拜伏。

闕庭。於是民獲所歸。上下神祇。咸有依託。慶雲甘露。游秦楨祥。

帝心謙抑。每讓弗居。洪武三年五月。陝西寶雞縣連瑞麥一莖五穗者。一本三穗者。二本兩穗者。十有餘本。蓋自兵興以來。王保保據周。李思齊。張思道。據秦。燕。晉。趙。齊。梁之間。大豪小猾。或憑城郭。或聚山寨。皆假元為名。分割境土。擅兵相攻。於是燕。晉。周。秦之地。彌數千里。連歲無雨。百穀不生。民相殺食。且盡。今年夏四月。

王師奏捷於蘭州。朔漢掃清。開隴底定。天乃大降甘雨。茲爲嘉瑞。和氣致祥。不亦昭哉。周頌有曰。綏萬邦。屢豐年。天命匪懈。傳者謂商之季年。比歲旱荒。至周武王克紂受命。而天下遂獲豐年。由是觀之。信非誣矣。漢謠以麥穗兩歧。歌其太守之美政。則是兩歧之麥。世所希有。而况於三歧。以至五歧者哉。頌聲之作。不可闕也。頌曰。神雀赤鳥。其羽不可以爲儀。紫連平露。其實不可以療饑。豈若五穀之爲瑞。可以厚民之生。豐國之資者哉。元失其鹿。

天下共逐。擾擾紛紛。強食弱肉。皇天震怒。誕命真主。肅將天威。以靖區宇。騎士如雲。猛將如龍。發蹤指示。悉出

帝衷。既平南東。遂定西北。民居攸奠。品物咸殖。爰有嘉麥。一本五歧。布葉萋萋。結實離離。既齊既平。先百穀成。擢穎揚芒。金支翠英。溥彼原田。滂若雲煙。望之油油。即之芊芊。其種伊何。降自穹昊。其瑞伊何。豐年之兆。豐年穰穰。頌聲洋洋。其始自今。變世無疆。答祿與權。集進嘉麥。頌羊序。帝王應曆。澤被羣生。天降禎祥。以彰休德。故詠於詩。紀於書。載之史策。傳之將來。凡所以見諸文章。以爲美談者。抑亦詞臣有其人焉。

大明御極。赤精承運。八埏凡有。罔不來庭。乃洪武六年。夏六月十有二日壬午。中立守臣來獻嘉麥。奇報耦穗。穎粟堅好。禮部以聞。

天顏悅豫。翼日癸未。薦之。

宗廟。越三日甲申。召御史中丞臣陳寧。率其屬十有七人見于

西苑。悉出有司所獻嘉麥圖。以示諸臣。蓋自渡江之初。以至今日。二穗三穗。以至五穗者數十本。命監察御史臣與權等十有五人。各爲詩文以進。臣聞國家將興。必有禎祥。斯嘉麥也。其禎祥哉。是宣銘之鼎彝。播之雅頌。書之竹帛。昭示後昆。臣與權拜手稽首而獻頌曰。於昭

皇明。亦符降精。萬生

聖人。應運而興。維此

聖人。天錫勇智。武以安民。文以圖治。飛潛咸若。動植蕃滋。羣生既遂。禎祥以時。

雙穗有穀。同帶有瓜。貽我嘉禾。來牟孔多。守臣司牧。撫綏

帝鄉。天產嘉祥。入貢于庭。

皇帝曰咨。匪台之績。兆民奠安。

祖宗之德。乃召宗伯。乃召工祝。致告

皇靈。荷天百祿。穆穆皇皇。本固支孳。厥德無愆。壽考不忘。小臣司諫。稽首進言。

國朝永樂二年正月。總兵官平羌將軍後軍都督府左都督宋晟。進到甘州

中衛瑞麥大麥三本。二穗一本。三穗一本。五穗一本。小麥二穗一十三本。

永樂三年六月。

秦府長史司進興平鳳翔等縣民人陳子和等所種大麥一莖二穗至五穗者一十二本。十一月山東青州莒州日照縣知縣戴原寬進大麥有一莖三四穗者。永樂四年六月南陽中護衛差百戶周負進瑞麥四十七本。內有一莖二穗至六穗者。六月河南南陽府南陽縣差訓導鄒玉進民人賈義等地內所產瑞麥一百八本。有一莖二穗至六穗者。東漢書張堪傳。堪拜漁陽太守。勸民耕種。以致殷富。百姓歌曰。桑無附枝。麥穗兩岐。張君爲政。樂不可支。北史齊孟業傳。業。皇建二年遷東都太守。以寬惠著名。其年夏五官張凝。因出使得麥一莖五穗。其餘或三穗四穗共一莖者。合郡咸以政化所感。因即申上。魏蘭根傳。蘭根爲岐州刺史。從行臺蕭寶寅討破宛川。俘其人爲奴婢。以美女十人賞蘭根。蘭根辭曰。此縣介於強虜。故成背叛。今當恤其饑寒。奈何並充僕隸。於是盡以歸其父兄。部內麥五穗。麟州田鼠爲災。大牙不入岐境。隋書令狐熙傳。熙爲滄州刺史。在職數年。風教大洽。稱爲良二千石。開皇四年。上幸洛陽。熙來朝。吏民恐其遷易。悲泣於道。及熙復還。百姓出境迎謁。歡叫盈路。在州獲白鳥白鵲嘉麥。宋史張禹珪傳。禹珪知澶州時。頗勤政治。以瑞麥生獄空。連詔嘉獎。詔

州曲江志宋鄧酢傳。酢字賓禮。始興南城人。徙家曲江。少穎悟。杜門讀書。紹興初。詣闕下土書。召試授官。進攻守三峯。上嘉納之。知虔州虔化縣。夏秋二賦。自爲書與民。吏不及門而集。歲以大穰。麥一莖數穗。閭里歌之。太平州國經志。宋乾道二年。當塗宰韓琳行野勞農。得雙穗之麥。獻于郡。州民余氏又得一本六穗者。以獻。洪邁因以瑞麥名亭。句容新志。宋開禧元年。麥三穗。同幹者一。兩穗者三。產縣境。邑令江公亮刻之石。徐筠爲記。紹定元年。靈芝。兩岐麥。同本竹。並蒂瓜。雙頭蓮。五瑞並產縣境。邑令張侃刻之石。漫塘劉宰跋之曰。有一於此。足爲上瑞。况五者來備乎。然則邑大夫與其同僚。所以召和迎祥者。亦必有道矣。處州志。鄭滁孫字景歐。青田人。知樂清縣。敦崇教化。建宗晦書院。以淑邑後學。因園空虛。有嘉禾瑞麥之應。異政不泯。至今遺愛在人。傳頌未已。宋字漢陽先生集。紹慶府教廳瑞麥。淳祐庚戌。麴麥向秋。於學圃得兩岐者二。三岐者一。前此未之見也。先是平地溪。細民牛產二犢。嘉瑞迭至。厥有攸自。具以告州長。金華王公。先生曰。是乃閭帥復漢中之休證。麥以卜坻京之盈。牛以兆田萊之闕。天地順助。妥和而發祥矣。揚興感先生之至言。欲鋪張揚厲。而材未之逮。猥撰成古體三十韻。以紀事實。且獻且賀。幸恕其狂斐而垂覽焉。耕稼問點。

嶺。禾黍慙培塿。秀實僅有之。嘉祥貌烏睹。府主金華仙。宸扈躬緬縷。暖律
笑吹鄒。長府肯爲雪。節用寓封殖。寬征從字撫。去年民病獲。公把漏天補。
今年趁春耕。公有月額雨。至和委來牟。兩岐分藝圃。雙秀可奇觀。三穎駭
珍吐。一如荀氏龍。頭角森踴躍。一如賈氏虎。偉彪稱最怒。友于好弟兄。長
峙支僂僂。芒穎乍崢嶸。襁褓辭姬姆。苗脉共根株。萬物本乎祖。見說西家
牛。二犢同一乳。碎啄衆難弄。異聞沓前古。歸功貳千石。爲言物有主。憶昔
辛丑間。紅塵飛白羽。陸海沉炊煙。原田沒榛櫟。殿角深顚憂。宅西命山甫。
太平登九年。魚鳧鵠生聚。長嘯孤雲端。漢中我疆宇。片心天地通。助順知
已許。畜繁田不蕪。麥瑞富高度。萬竈飽貌貅。目中已無虜。坐縛長橋蛟。行
却九關虎。挈還天子地。醉言執童殺。衮衣逐歸禾。上瑞此焉取。癯儒喜聞
言。中夜常起舞。欲補嘉禾篇。但詠驚尾鯢。素起巖詩仲。春勸耕。有獻兩岐
麥者。和丁端叔茶使韻。周原饔饔俾歌頌。我訪春郊屆羲仲。市橋曲屈
古招提。媚日暄風傍鵲鞍。布宣德意父老喜。醉飽盤餐兒女共。眼着秀色
壟頭多。風落輕花枝穗重。來皇生意滿阡陌。不待池塘春草夢。道傍瑞麥
獻者誰。秀出雙枝駭羣衆。春風和氣下披拂。產出禎祥呈妙用。我思昔歲
早爲虐。幾度牋天香火共。懸知政拙謾心勞。助然弗稱甘泉從。今年春到一

犁雨是處膏腴飽耕種。舉趾于耜競東作。剝棗烹葵飼田畝。三農儻遂富
庶樂。四體如忘痾痺痛。只今貽此來年喜。大手鋪張頌屈宋。崆峒有詠拾
遺語。茂陵作頌相如賦。司馬相如居茂陵。作頌曰。嘉穀六穗。詩成豈待擊
鉢催。句惡自慚操管弄。與君拍手訪豐年。姑置別離傾酒甕。吳泳鶴林集
瑞麥歌 爰采麥矣岷之陽。麥秀蘄蘄兮登我場。岐岐而生自天產。兩雨
而並維星祥。我行其野逢鄴長。鄴長忻然持穗往。自言此穗實秀時。六稻
俱垂惟麥仰。晉之四穰唐六岐。雖有其物無其時。我君聖武綏萬邦。我侯
駿德爲藩維。君臣克彛。舜禹十風五日雨。千戈偃息將兆和。拍手齊唱崆峒
歌。李曾伯可齋集 戊申和嘉興守瑞麥行 瑞麥歌懷安。三岐及六穗。嘉
祥不虛出。良以氣和致。人言一草木。華枯且爲異。况茲一曰食。有是三足記。
此邦今扶風。中興號佳地。去年歲干厄。衆懼憂莫謂。入春雨暘時。嘉驗應
期至。賢使政事師。其清一杯水。孜孜布上德。念念在民事。東都循吏孰漁
陽。史君似一麥。露雙穎。異世風同軌。華黍續新雅。嘉禾繼前瑞。老夫卧陋
巷。聞此躍而起。一廬猥受滕。二天幸托冀。誰謂大慶齊。俯亦及焦悴。自今
豐年兆。不若力田圃。當知太守心。根源自宮闕。務農且重穀。感召自茲類。
昔襦今五袴。千里共衣被。相逢二三叟。相慶更相慰。不圖田里數。轉作謳

歌喜。醜顏溢鄉老。歡聲洽鄰比。餘波賸沾丐。罔功有餘愧。據毫頌公德。拜手反公賜。長安咫尺天。政聲轉聞易。嘉汝龔黃績。寬予堯湯備。歸袞陳歸禾。經綸展斯志。吳芾湖山集。和管大老瑞麥什。別來長恨見無時。不謂相逢總泣岐。愧我滯留身已老。憐君偃蹇宦猶卑。思歸正續孤松賦。溢美空傳瑞麥詩。萬事從今休更問。祇知痛飲是吾師。吳縣志袁起巖麥三岐詩。用過其才愧弗宜。但於牧養要張施。未應拙政才兼月。森出來年過兩岐。長短異形垂美穗。青黃間色識新枝。懸知瑞應由明主。自是豐年屬聖時。范石湖大全集次韻袁起巖瑞麥詩。此麥兩岐已黃熟。其間又出一青枝。亦已秀實。傳記所未載也。民和神福固其宜。况有仁先四者施。吳稻即看收再熟。周牟先已秀雙岐。蕙風半老黃金瑞。梅雨重春綠玉枝。樂不可支聊發詠。田間日月是芳時。南康志至元丙子陳督諮任內瑞麥記。余攝守南康之明年。四月望日。屬邑都昌令師宜中。以瑞麥獻。且述父老之辭曰。雙岐一莖。南北一統之兆。弗產于他邑。而產于都昌。都者總會之名。昌者熾盛之謂。又豈非五穀皆熟。為有年之占乎。儻不有賢太守以奉行天子之仁。斯瑞何從來哉。請上之朝。刻之石。以彰天瑞。顯治績。詔永父。副僉祈也。余俾其歸而語父老曰。自河圖授羲禎祥之事。代不絕。篆。自

來牟貽稷。麥之爲利。萬古一日。至於登麥嘗麥。呂令特重其事。無麥之書。春秋亦舉麥焉。麥之不可忽如此。今一稍特起。兩穗翼結。以人占天。卽物明理。信有如父老之言者。然自昔芝草嘉禾甘露醴泉之瑞。有抑而不欲宣者。有誇而張且大者。要終而論抑者。或至今不容泯。誇者。或隨以湮沒。得無以和致和則爲祥。以牟致和則爲異。此傳不傳之所由別歟。茲麥之祥。余固莫知夫所以致之者何自。若上之朝。則歲於誇矣。爾父老以爲一統之兆。有年之徵。則此非太守之所得私。而不可以不記。蓋刻之石以俟夫觀民風秉史筆者之採擇。詢之於衆。皆曰諾。遂刻之。朝列大夫江東西大都督府諮議知南康軍陳奕簡立石。句容新志句容縣瑞麥記。春秋書無麥禾。范曄書麥穗兩歧。經記異。史記祥也。江大夫以名家子爲句容宰。甫數月。政化浹乎。犴獄空閒。叶氣薰蒸。震于異麥。有三穗同幹者一。兩穗者三。厥芒幪密。厥實栗好。句人曰。茲大夫之仁。大夫不敢以自功。獻之督率牧伯。督率牧伯曰。茲大夫之徵。復以歸之。乃繪事秀穎。丕昭嘉應。是年麥大有秋。以經史所登載如彼。是宜特書。昔魯恭爲中牟。嘉禾生於使坐庭中。州郡交舉致身三吏。句容惡知不中年哉。詩云。靡不有初。大夫其勉。將見屢書不一書而已也。大夫名公亮。常山人。今官通直郎。樊巖集瑞麥

頌并序。新水王侯爲句容之六年。夏有麥一本而岐實者兩。句人告祥。謫美侯政。侯不自有。本諸王明。諸生嘉。敢拜手稽首以作頌曰。於皇來牟。厥明民受。自天降祥。于彼南畝。美其祥矣。兩兩並秀。岐然而實。或在或在。野夫族談。斯祥斯覲。誰其著之。侯我父母。繫侯來斯。我財我阜。殖我良穀。櫛我根莖。瑞應遄集。天寔民臚。祝侯頌侯。願垂不朽。侯曰。咈哉。乃言勿苟。本本原原。惜莫是究。聖人龍飛。百祥奔湊。洪業所基。此邦日舊。方古豐沛。輝映先後。神斯贊襄。胡不單厚。矧茲體元。億禩伊首。帝命率育。兆固非偶。念丕靈承。詎曰官守。敢竊天休。私以自取。目擊心忤。獻之王后。王后曰。俞爾予足手。是邦予懷。爾弗予負。今茲之禎。其亦而輔。字爾民人。俾庶俾富。矢予膏澤。以洽孤幼。侯拜稽首。天子萬壽。永錫祚祐。邦家之有。小子作頌。爰愧古甫。式歌且舞。庶傳悠久。通州志李德輝。字仲實。通州潞縣人。中統三年。授太原路總管。至郡。崇學校。表孝節。勸耕桑。立社倉。一權度。凡可以阜民者。無不爲之。嘉禾瑞麥。凡六出其境。元許有士。至治集瑞麥賦。大。名爲河北大郡。開又屬州之大者也。皇上新守令之法。於是哈答吉月。曾元臣白守忠公。嚴皆以郎官慎選。出守是州。未幾。政化大行。瑞麥駢生。或一稔而二實。或一莖而兩岐。二君寄圖。徵言於有士。乃爲之賦曰。靈芝

分三秀。珍木含連理。是滿兮叢生。嘉蓮兮共蒂。是雖委祥。疊脫之可喜。曾
不足以稱。枵腹之殷雷。效粒米之狼戾。曝茲澶淵。芄芄大田。觸米寢生。細
莖神煙。四運周歷。六陽氣全。冷霧免殞。赫兮實堅。方翠浪兮漲陸。倏黃雲
兮際天。乃輯我箱。捍鉞電旋。京坻善牧。中有異馬。金芒蜩磔。珠實蟬聯。一
稔二粒。若子之孳。一莖兩岐。若首之駢。堯倪駭瞞。奔走喧闐。念休徵之允
叶。蓋有聞而必先。即影而求其形。非根我黃堂之二賢乎。二賢設施。知所
先後。既基化於庠序。尤盡力乎畎畝。習福感其至誠。坤靈獻其英秀。漁陽
張堪。壽安劉懷之美。寥寥乎無聞。乃一旦而我有。歸之二賢。確不敢受。歸
之天子。天子萬壽。昔聞緣史。茲應昌期。言之不足。故詠歌之。歌曰。天人變
邈兮。理則一機。天不自為兮。假人而為。焉得九州兮。皆若人斯。伴我黎民
兮。永不止饑。陸子方詩題萬戶府瑞麥圖。河中之野。木連理。文人作頌
何所美。鯉湖之水。蓮雙葩。史臣紀異不足誇。木葉鐵來豈堪食。蓮花遠觀
空有色。由來上瑞是豐年。芙蓉城外麥連天。一莖三穗攢秀穎。好事軍中
萬口傳。閔武堂成政多暇。刀劒不如牛犢價。老農散飯看昇平。奇祥異產
從天下。香餌先收夏隴雲。雪題可卜秋田稼。絕憐西蜀杜參謀。困饑空懷
當世憂。崆峒麥熟無人穫。且問王師休未休。句容志元江東之瑞麥謠。

君不聞。張堪作守漁陽時。當時麥秀歌兩岐。至今一千三百有餘歲。漁陽之地田父野老猶歌之。至正十四年。句容瑞麥復產城東田。民持瑞麥歌縣令。縣令復似張堪賢。所願今年多穀更多黍。五日一風十日雨。更有嘉禾獻明府。樊淵詠兩岐麥。寄陳清溪縣尹詩。鯉湖蓮幹雙。函德芝莖九。古來天地間。嘉瑞亦云有。芝蓮信美異。未必可糴糗。如何貽來年。待哺說衆口。不見春秋時。筆削若膏瓊。有瑞皆不書。無麥乃深咎。麥登已足喜。何況兩岐秀。富媪出秘珍。此事夫豈偶。向來瑞漁陽。歌詠鏗宇宙。自從絕響後。何人繼其右。句容本山邑。田少草木茂。去歲罹旱裁。民食炊餬首。冬雪兆宜麥。大嚼覲田畝。今年春雨多。尚恐雷車乳。豈意漁陽歌。復歌千載後。此歌賢令尹。彼歌賢太守。固知天人應。政出造化手。今君不為功。益以謙自守。但云麥雖瑞。未必禾瑞否。民間病已多。一瑞未足救。願言推君仁。博作八荒壽。瘳風妙長養。傳霖澤枯朽。豐年多黍稌。三四錢米斗。飽飯山中人。黃雞酌白酒。程端禮畏齋集倪侯守濠州。泰定四年夏。產瑞麥自一莖兩穗。至五穗。侯名顥。字廷蘭。君不見。貞觀十二歲。濠州野藟成。藟為唐瑞。距今為歲六百八十九。復產瑞麥一莖二穗至五穗。泰定聖神方御極。慎選守令司撫字。茲州承宣寔倪侯。庶富而教心戶至。田里熙熙致氣和。

示此嘉祥見天意。治先使民不饑寒。蠶麥為瑞固同地。不數朱草與靈芝。
肯比醴泉及連理。漁陽之歌未足多。陟號所進差可擬。唐叔得禾書所紀。
既云書所紀。倪使何不獻天子。只恐功大心轉小。却退祥瑞書災異。王憚
秋澗集瑞麥。農使苟正甫過邯鄲。得麥一莖九穗。蓋未之見也。作詩以紀
其祥。是年司農司復立。一依已行條格。丁亥歲夏五月也。麥秀從來說
兩岐。連枝九穗若禹奇。物闢極數知陽盛。人飲天和樂歲宜。同穎並歌唐
叔稼。駢莖休頌漢房芝。天心似嘉農司復。一扎恩光總舊規。釋大訢蒲室
集題完者薦總管瑞麥詩。白下民登麥。民歌秀兩岐。樂邦原驪驪。化日
景熙熙。膏澤均千里。薰蒸足四時。舜琴方日奏。鄒律協期吹。玄測猶存象
休徵不待龜。誠通天自應。氣感物無疵。紀瑞農司喜。披圖太史知。聯纓珠
的玳。雙珮玉蕤緹。宿雨含芳膩。鮮飈動綠漪。鳥嚶金羽並。雉鳴景雲披。充
市邀湯餅。比隣餉糗資。丙丁先薦祖。庚癸免呼師。翁飽支頤睡。兒閑鼓腹
嬉。不須秦代粟。無復魯憂葵。子產多遺愛。張堪匪溢辭。頌慙連理木。歌忝
九莖芝。仙李彌蕃衍。甘棠願永思。登庸期變理。布治待網維。展也風雲會。
懷哉雨露滋。思文尊配授。洪範遠傳箕。王道惟歸極。民心貴秉彝。米年存
古典。貽訓可無詩。蕭勤齋集瑞麥詩。休因瑞麥聞詩工。指有枝駢理亦